

# «politbox»

Nova offerta digitala da la SRG SSR per elecziuns naziunalas

■ (rtr) **Examinar la savida generala tar la Svizra, provocar ils agens amis e d'aver in part d'ina communad speziala – sin il smartphone, ma er en la vita reala. Quai èn las finamiras da la «politbox», la nova app da quiz che la SRG SSR endrizza per las elecziuns naziunalas 2015.** La app «politbox» è disponibla a partir da l'entschatta da matg en las quatter linguas naziunalas ed englais. Tut tgi che vul po sa mesirar en dumondas tar la politica e la societad svizra.

Sper las dumondas da savida pon ins era s'exprimer tar temas actuals. Questa furma da retschertga lubescha da mesirar il puls da la communad e da scuvrir ses givaischs e quitads.

## Gir da bus tras la Svizra

Ina redacziun naziunala da tshintg linguatgs tgira redacziunalmain l'app e

sviluppa era ses cuntegn. Per RTR fa quai il correspondent da la chasa federala *Adrian Camartin*. Ils collavuratur da RTR, SRF, RTS, RSI e SWI viageschan cun in bus a travers la Svizra e sa ferman en differentas regiuns dal pajais. A quest'ocasiun pon ils participants era sa mesirar al lieu e sa barattar cun auters participants da la «politbox».

«Cun la 'politbox' sa drizzain nus ad in public giuven», di *Sandra Manca*, scheffa da SRF News, che maina ensemen cun ses collega da RTS, *Nicolas Roulin*, il project «politbox». Il public giuven na s'interessia betg exnum per la vita politica e vegnia perquai pauc en contact cun l'infurmaziun politica tradiziunala. «Cun la 'politbox' lessan nus sustegnair glied giuvena da sa fatschentar cun la Svizra, sias instituziuns e sia rolla en il mund».